



VIII  
THRENODIAE

IN LVCTVOSVM  
ET PRÆMATURVM SED BEA-  
TVM OBITVM CLARISSIMI ET  
Consultissimi Viri D. MICHAELIS STROMERI  
I. V. D. & Iudicij provincialis quod est Ienæ  
Thuringorum, Advocati solertissi-  
mi & integerrimi.

*Qui die 5. Aprilis pie placideq; decessit, &  
ingens sui desiderium mœstissimis Parentibus,  
uxori, cognatis & amicis omni-  
bus reliquit.*

Scriptæ, ut essent honori defuncto &  
viventibus solatio.



JENÆ  
Ex Officinâ Tobia Steinmanni,  
Anno M. D. CIII.



THE NODINE

IN LVCTVOSVM

ET FRAMATVRVM SED BEA-

TVM OBITVM CLARISSIMI ET

Consulatus Viri D. MICHAELIS STROMARI

I. V. D. & Indignis Provincialis quod sit

Thuringorum, Adversus solatio

in & integritate

Qui die 7. e. spiritus pie placidus & digne

ingens sui in hibernis in hibernis in hibernis

quod, cognate & aduersus omnes

in hibernis

Scripta, ut essent honori & digne

vivendibus solatio



JENAE

Ex Officina Johannis Stenmann

Anno M. D. CIII.







I.


**A**h quid amicorum mihi praestantissime rumpis  
Stamina! non fuis currere longa queror.  
Cui pietas, cui prisca fides, cuiq; integer avi  
Sanguis, & angusto corpore forma, decus,  
Ac laudandarum praecleara peritia rerum  
Debuerant Pylios adnumerare dies;  
Occidis ah verno quo rident omnia flore,  
Flaccescens tristi contumularis humo.  
Heu, dignus fueras longaevam ducere vitam,  
Et sero latos claudere sine dies.  
Te coniux tua chara, senis te cana parentis  
Tempora perfugium praesidiumq; vocant.  
Foedere amicitiae iuncti te voce requirunt,  
Et lachrymis rorant funera maesta suis:  
Nil iuvat, ah frustra nil proficentia perdunt  
Verba, movent nulla fata severa preces.  
Sed quia fatorum cursus, quae tempora vitae  
Mensurant, patrio solvit amore Deus,  
Indignum terram, dignum magis aethere duxit,  
Ut vitae in caelo ver melioris agas;  
Ergo habuit mortem tua candida vita secundam;  
Eventus sequitur candida facta bonus.  
Spiritus ante Deum iam gaudet in aethere, vernat  
Ver ubi perpetuis flore perenne iugis.  
Sic superes caelo felix! Etiam sua cuiq;  
(Fausta fiet:) qua te, meta, sequemur, erit.  
Script.

à M. Henrico Holschero Facult.  
Phil. p.t. Decano,

A 2

Vere





II.

**V**ere novo flores cum iam nascuntur in agris,  
Humanas moneor, prohi, renovare vices.  
Nec mirum: nobis quia pagina sacra recenset,  
Florem hominemq, pari conditione premi.  
Ille viret primo ramis in Vere tenellis;  
In lucem membris mollibus intrat homo.  
Indè rubet, folijs vel candidioribus albet,  
Floris & in formâ suave rubentis adest.  
Candidior membris hominis luceſcit imago,  
Cum viret intonsis prima iuventa genis.  
Flos æſtate ſuo media viduatus honore  
Decidit, & ſubitò deſinit eſſe ſuper.  
Ætate in mediâ mortaliâ corpora vitæ  
Sæpius intereunt, & breve tempus habent.  
Floſculus innumeris eſt caſibus atq, periculis  
Expoſitus, totâ conteriturq, die.  
Caſibus eſt hominum ſubiectâ miſerrima vita,  
Sæpius hæc una ſtatq, caditq, die.  
Flos & homo inter ſe velut æquiparantur in ortu:  
Conveniunt obitu ſic & uterq, ſimul.  
Floſculus in prima, aut cum vix enaſcitur, herba,  
Falce vel in pleno flore reſectus obit;  
Serius aut paulò, quod ſæpè videmus, in anni  
Dimidio excuſſis interit ille comis.  
Concidit aut primis homo iam generatus in annis,  
Dimidium ad vitæ vel venit uſq, ſuæ.  
Corporis abſumptis vel tandem viribus intrat  
Hoc in mortalem nudus ab orbe viam.  
Attamen hoc diſtant, quod cum flos tranſit, eundem  
Credibile eſt nulla poſſe redire die.

Corpus





Corpus at humanum semel hac à luce vocatum,  
Quod fuit, à gelidà morte resurgit idem.  
Flos una mecum FRATER, radice renate,  
Et multum patrio semper amate solo,  
An citò te nimium immaturâ morte peremtum  
Deplorem, placidè vel tua fata feram?  
Humanam mediter si mecum in pectore sortem,  
Inq; genus nostrum iura tremenda Dei;  
Voce tuam vereor dira perstringere mortem,  
In sacra ne praecepta numina censor eam,  
Namq; hominem statuere neci succumbere: tanquam  
Floribus est homini morte perire datum.  
Vincula si intuear quèis nos natura ligavit,  
Lumina stant tepido fusa liquore mea.  
Sic etenim secum, sic fert natura, trahatur  
Ne facile à socia res animata domo.  
Conqueror hinc igitur, FRATER, te stirpe revulsum  
Ab ita continuo, FRATER, & ante diem,  
Ante diem nimium chare es mihi FRATER ademptus,  
Qui mihi debebas vivere in orbe diu.  
Arbor eras patrio iam stemmate grandior orta,  
FRATER ego sub qua sorculus almus eram,  
Spes aliquando tua mihi erat rata frondis in umbra,  
Altius ad iustos usq; venire modos.  
Nunc cadis ipse velut decisis ab arbore truncus,  
Spes umbra memet deserit atq; tua.  
Surculus effæto iam solus adhereo stirpi,  
Quem mihi sancta diu fata tenere velint.  
Sed quia disposuit secum divina voluntas,  
Ut quoq; ceu reliqui tu morereris homo;  
Vocibus ulterius manes Ego tristibus ima  
Mole sub hac tumuli haud sollicitabo tuos.







Mens tua, quò posita est, cælo requiescat in alto,  
Mortua sub terris & tua membra cubent,  
Donec ad Extremum, quo corpora cuncta resurgunt,  
Buccina Iudicium quemq; venire monet.

Faciebat FRATER moestissimus

Iohannes Fridericus Stromerus.

III.

**H**Ac ego conclusa MICHAEL STROMERVS in urna  
Oculor, antiquis progeneratus avis.  
Ex alijs cumulum laudum cognosce mearum,  
Non me, quæ merui cuncta, referre decet.  
DOCTOR eram bifidi iuris, Sophiaq; MAGISTER  
Antè meum corpus quam tegetetur humo.  
Purpureum capitis tribuit mihi LIP S I A tegmen,  
Atq; mihi rutilum mox B A S I L I A A dedit.  
Curia caussarum me fecit summa Patronum,  
Tirygetum populus quas agitabat inops.  
Quo candore meos protexi & amore clientes,  
Iudicij referet docta corona patrum.  
Qua pietate fui, quibus & virtutibus auctus,  
Qui sacra pertractant, quiq; prophana, roga.  
Lenta mihi vitam tabes subtraxit, & ossa  
Clausit in hoc tumulo, sic moderante D E O.  
Spiritus atherias abiit transmissus in oras,  
Vnde suum repetet quod posuit solium.  
Quid, genitor fratresq; mei, mea funera fletis,  
Nec mihi nec vobis proderit iste dolor.  
Dicite amicorum nimirum qui fata doletis,  
Vnquam quem lacryma restituere graves?

Et





Et quamvis gelida de morte redire daretur,  
Indè tamen vellem non revocare gradum.  
Vita prior curis animam exagitavit, & artus  
Corporis arumnis exposuit varijs:  
Iam sedet in cælo mens cunctis libera curis,  
Corpore & à vacuo iam dolor omnis abest.  
Discite Mortales humanos discite casus,  
Inq̃, DEO vera cum pietate mori.  
Iohannes Ernestus Ziglerus, avunculo suo  
defuncto animo mœstilsimo medita.


#### IV.

Non equidem vitæ nobis, sine numine Divum,  
Fata reor cupidâ fila secare manu:  
Sed tamen indigna qui te putat esse peremtum  
Morte, nihil pietas quod vetet, ille putat:  
OSTROMERE tuis toties plorandus amicis  
Quot guttis vitrea rorat Aprilis aqua,  
Vix mediæ spacium vitæ, mediq̃, vigoris  
Attigeras, cum te mors inopina rapit.  
Ac velut impresso florem succidit aratro,  
Heu nihil invito posse manere Deo.  
Ingenij præstantis eras, cui summa voluptas  
Illam rem terra linquere summus amor.  
Te pietas virtusq̃, tulit super ætheris oras,  
Et superos inter fecit habere locum.  
Stelligeras Sophia te mens bona vexit ad arces,  
Imposuitq̃, tuis laurea ferta comis.  
Te Iovis ad magni solium Themis aurea sistens,  
Muricis egregium cinxit honore caput.  
Te pavidusq̃, cliens, Te patria tota poposcit  
Consilium: Lites solvere doctus eras.

Doctus







Doctus eras æquum duro præferre rigori,  
 Et misera tenues spernere plebis opes.  
 Te virtute parens meritisq; verendus & annis  
 Invitâ posuit triste cada-ver humo.  
 Libavitq; piâs lachrymas, patriumq; dolorem  
 Sic dedit ille, tuum quod dare munus erat.  
 Quid planctus memorem? quibus heu lectissima coniunx  
 Quæ tibi tantillo tempore iuncta fuit.  
 Iam viduas inter suspiria personat ades,  
 Desidet in vacui limine solatori,  
 Lugubresq; velut turtur sine fine querelas  
 Integrat, in luctus itq; reditq; novos.  
 Quid? quod nulla tibi soboles STROMERE, tenello  
 Quæ referat blandum suaviter ore patrem,  
 Et mæstum soletur avum, lachrymasq; renidens  
 Abstergat nivea matris ab ore manu.  
 Scilicet indignam, faciunt hæc omnia, mortem  
 Ut STROMERE tuam vel bonus esse ferat.  
 Interea nostris haud est indigna piactis,  
 Pro meritis capimus debita quisq; suis.  
 Et quia non puduit diâs rescindere leges:  
 Pendere nec pœnas sit grave: nempe mori.  
 At tuâ mors placido coram preciosa Tonante  
 Nil nisi somnus erit, nil nisi grata quies.  
 Et sperata diu variorum pausa malorum,  
 Ac velut effracti ianua prima Poli.  
 Hic vera pietatis honos, quæ funere Christi  
 Fulta per invictam tendit ad astra fidem.  
 Apprênditq; Dei, sed non sine fœnore, Gnatum  
 Crimina qui lavit sanguine nostra suo.  
 Qui moriens mortis stimulosq;, citasq; sagittas  
 Fregit, & infernas dissipavit opes.


Et





Et stygia eliciens penetrabile virus Echidna  
Victrici posuit fixa trophæa manu.  
Hic unus STROMERE tibi tibi sola voluptas  
Vivere dum licuit, dum morereris, erat.  
Christus, ais, peccata lubens mea sustulit, idem  
In se luctificum transtulit illud onus:  
Ac pedibus subiecta suis contrivit, & unâ  
Tradidit in certis cuncta ferenda Notis.  
Nunc igitur super astra, super sacra limina cæli  
Aspectu fruere liberiore Dei.  
Sub pedibusq; vides radiantia sidera, soles  
Flammigeram, lunæ noctivagæq; globum,  
Et vanas hominum curas, vanosq; labores  
Tutus ab excelsi despicias axe poli.  
At nos interea per tot discrimina rerum,  
Per mare, per terras triste tenemus iter.  
Et procul extorres patrijs erramus ab oris,  
Vlla nec est dura mors nisi meta via.  
Hac superâ STROMERE tibi nos iunget in aulâ,  
Læticia reddet participesq; tua.  
Et veteres sine labe tamen, revocabit amores,  
Nec tam læta dies tam procul esse potest.  
O nimium felix, quisquis pietate Magistrâ  
Vivere condidicit, condidicitq; mori.


M. VVolfgangus Heider  
Ethic. & Logic. Profess.



B

MI-





V.

**MICHAELVS STROMERVS**  
PHILOSOPHIAE ET IVRIS VTRIVS-  
QVE DOCTOR.

Αναχαμματιοδεις.

**SALVS CHRISTO VICTORI; HAUD**  
**QVEO PERIRE: TV, SI MORTIS**  
MEMOR, SOPHVS.

**C**uncta salus Christo Victori, mortis abundè  
Commeminisse mea qui dedit atq; sua.  
Morte recedendum mihi novi aliquando caduco  
Ex mundo: labi pœna eadicta fuit:  
Morte sed invicti, gentis quoq; funera nôram  
Humana in somnimanera versa, Ducis.  
Hinc mihi vita fuit mors, mors mihi vitæ facta est;  
Hinc obitâ haud unquam morte perire queo.  
Tu, qui busta vides isthæc, si Mortis utriusq;  
Es memor, es felix undiq; satq; Sophus.


Observantiæ & παλαιοφιλίας ενεκα  
à M. Nicol. R hostio Ecclesiæ  
Genensis Diacono.

VI.

**O** iucunda mei lux pectoris, hei mihi quantum  
Presidium vitæ mors inimica rapit:  
Dum mihi tam subito Te non virtutis egentem  
Suavibus ex ulnis abstulit atra dies.  
Si quis dixisset; vivendo fata mariti  
Me superaturam: non ego crediderim.  
O utinam non Te, sed Me, charissime Doct̃or,  
Hæc iam funebris pompa tulisset humi:

Ab






*Ab animam cordis fervore coacta dedissem,  
Si modo servassent Te pia fata diu.  
Magdala parce tuam fletu quassare iuventam,  
In DOMINVM curas conijce queso tuas.  
Nil iuvat, ut guttis humectes grandibus ora,  
Et trepidâ fœdes pectora mœsta manu.  
Nam semel in patulo cunctis mortalibus orbe  
Est faciendum atræ flebile mortis iter.  
Nec vis, nec facies, nec opes, nec docta iuventus  
Sortis ab extremâ conditione vacant.  
Nerea non facies potuit nec robur Achillem  
Prestantem rigidâ solvere lege necis.  
Magdala parce tuam fletu quassare iuventam  
In DOMINVM curas conijce queso tuas.  
Quod superest: Salve aeternum, mihi Magdala chara,  
Aeternumq; vale. Cætera fata dabunt.  
M. Immanuel Hafius Aumensis, Scholæ  
Ienenfis Moderator.*

VII.

**S**TROMERVUM in viridi mors invida sustulit ævo  
MICHAELEM & studij divite messe sui:  
Tum quia stemma patris, quò Lipsia nobilis, & quo  
Aurbachium, & tumidis Sala superbit aquis,  
Longævum & crudâ se ludere saepe senectâ,  
Et, cesset, tandem vix sua iura sequi:  
Tum quia non ullo moriturum tempore nôrat,  
Sic docto senium caniciemvè daret.  
Falsa tamen quâvis ratione improvida: Nam qui  
Anteâ, ut ut vegetus, mortis alumnus erat.  
Nunc immortalis super æthera vivit, & inter  
Illibata alias integritate viget:







*Aeternum moriens post funera nomen in orbe  
Et linquens studijs parta trophaa suis.  
O felix tali sua tempora fine coronans,  
O verè enervis plumbea tela necis.*

*M. Mauricius Schroter.*

*VIII.*

*Dialogus Vxoris & Mariti morientis.*

*VX. Ah anima pars magna meae cur linquere vitam,  
Meq; paras miseram! nimium citò mortis acerba  
Heu meditaris iter! me, me, servare memento.*

*MA. O ne tristeris thalami dulcissima nostri  
Confors, pro libitu si me traducere vitam  
Fons vita sineret, cani prius ipse parentis  
Atq; tuo tumulto feralia munera ferrem,  
Quàm fugeret mortis tristes meae vita sub umbras.  
Fata obstant, me fata vocant, pater optimus orbem  
Linquere iam poscit: Patris est facienda voluntas,  
Non lugenda: tuis quare desiste querelis.*

*VX. Me miseram, cui me coniunx dulcissime linquis?  
Iam tibi parta quies: labor & plenissima luctu  
At me vita manent. Quis me solabitur orbem  
Coniuge dilecto? quis erit tutamen in arctis  
Rebus? Si qua mihi de te suscepta fuisset  
Ante necem faboles, si quis Stromerulus ore  
Te referens parvus gremio mihi luderet arcto!  
Non equidem omnino misera & deserta viderer.*

*M. Vana tuum pectus percellit cura, genasq;  
Humectant vanae lachrymae: ne gentibus esto  
Assimilis, cura quae nescia turba paterna  
Supremi patris, Curâ moderabitur equâ*

*Hicce*







Hicce tuam vitam, nullo te tempore clemens  
Deseret: huic fidas toto modo pectore tota:  
Quodq; ipsi placuit, placeat tibi, prole careres  
Iam voluit, Sobolis defectum mente quiet a  
Suffer: fors quondam multa te prole beabit,  
Dixit. & athereas placidè migravit ad arces  
Spiritus, & liquit cupientem verba referre  
In multo luctu, lachrymosa & voce maritam.  
Christe necis vitæq; Deus, da vivere vitam,  
Aeternæ cuius finis sit ianua vitæ.

In clarissimorum & honorandorum pro-  
pinquorum benevolentiam F.


M. Iohannes Gottualt  
Salvendensis.

IX.

Saxoniam egregio quod nunc Deus ipse flagello  
Corripit, augurio non caret omne suo.  
Exijt hinc Princeps, hinc exijt, exivère  
Reusnerus, simulac Consus uterq; solo.  
Hos nunc insequitur, mortalia cetera spernens  
Excellentis iuris Consus in arte, gradu  
Non equidem absimili, sed nostras iugiter oras  
Tristitia replet, funere funereo.  
Ergò quis in planctus miseros non ora resolvat,  
Cui non heu tristes excutiat lacrymas.  
Scilicet hic finis tandem est & meta flagelli  
Divini, ut careat talibus ora viris.  
Impete turbarum quoq; cuncta ferantur anili,  
Ac deflorescat iustitia vigor hic.  
O Michaël vir clare fori, decus omne parentis  
Iam senio pressi, cur ita raptus abis?







Cur adeò tristes tentas inferre querelas,  
Saxonia illustris magna theatra soli.  
Scilicet illa fuit, regeris, divina voluntas,  
Hoc placitum aeternum est omnipotentis Heri.  
Quid nobis tandem faciendum quaeso? feramus,  
Quodcumq; imposuit ter quoq; sanctus onus.  
Atq; pijs gelidi comitemur viscera votis,  
Cetera ne lapsu fors graviore ruant.  
Aedes purgemus nostras quia caelicus hospes  
Fortè subintrabit: hæc morientis erant.  
Quò fiet, sacrum cunctorum crimine cassum  
Ex nobis etiam floreat imperium,  
Restaurante Deo, cum molliter ossa levabit,  
Caelicaq; instanter regna subire sinet:  
Quod precor. Interea tu tu Senior respira  
Alachrymis, MICHAEL nam modò salvus agit.  
Testandæ mœstitiæ piæ ergò f.

M. Hippolytus Hubmeier


P. L. Cæs.

X.

Siccine mortalem nullo discrimine gentem  
Abripis infidâ, Parca maligna, manu?  
Nondum in se redijt revolutis orbibus annus,  
Cum caderet nostræ prima columna Scholæ.  
Vidimus huic simili quoq; nuper strage peremtum  
Ordinis urbani non sine laude virum.  
Pulpita mox audes intrare forensia, & inde  
Ut lubet, arbitrio tollere quemq; tuo.  
Falce MICHAELEM secuisti namq; STROMERVUM,  
DOCTOREM bifidi iuris in arte gravem.

Ante





Ante dies etiam rapuisti; ferre petenti  
Consilio & rebus qui potuisset opem.  
Parcite Parcarum, genus implacabile, turba,  
Parcite sic nostrum dilacerare genus.  
Millia quot vobis in terris corpora subsunt,  
Pondera quæ tantum sunt inimica soli.  
Cur non, ultrices, mox pollice carpitis illa,  
Atq; datis reliquis hic superesse diu?  
Quanquam ego lanificas ulli vix credo puellas  
Arbitrio vitam demere posse suam.  
Est alius metas homini qui ponit & aufert,  
Scilicet ætherea qui sedet arce Deus.  
Hic illi tribuit vitæ spiracula, rursus  
Idem corporibus detrahit illa Deus.  
Luce nec hac ipsa casu rapiuntur inani  
Cœlituum quorum spiritus astra petit.  
Pœnam etenim terris Deus immissurus acerbam,  
Quos amat antè diem præripuisse solet.  
Sic quoq; te cœlo præmissum credimus, orbis  
Lumina conspicerent ne tua damna mali.  
En iam civilis discordia gliscit, & astra  
Heu nimium nobis nuncia dira ferunt.  
Vix aberit nostros quin pœna gravissima fines  
Verberet, impediant ni pia vota senum.  
Annè igitur lachrymis, te tali funere raptum,  
An potius lato prosequar ore meo?  
Metam, quam, Dominus vitæ, præfixit, ademit,  
Te eripuit curis innumerisq; malis.  
Intulit æthereis animam quia sedibus æquus  
Arbiter, implendo quæ pia fata decent.  
Exuvias autem nobis sub sidere liquit,  
More quibus solito solvimus exequias.

Ergo





Ergò tuum gelidà corpus requiescat in urnâ,  
Cælestes teneat mens requieta domos,  
Donec ad extremam finiti temporis horam  
Pristina suscipiat pristina membra solo.  
Intereâ meritos ad busta feremus honores  
Hæc tua, ceu pietas, ceu iubet ipse Deus.

Faciebat Salomon Cruselius,

XI.

**H**Oc quoq; restabat serâ veniente senectâ  
Cladibus ut Fortis obruereris Heræ;  
Vt MAGNAE MATRI, tabenti languida morbo,  
Spectares Natum reddere membra tuum.  
Quam varijs homines vexamur in orbe periclis!  
Vita quid? est crebris cymbula quassa Notis.  
Cum rabiem credis tumida procul esse procella,  
Cum flabrum venti molle favere, iaces.  
Vix animam servare queas bene cautus in undis.  
Portum quæris? cho? Sistito; portus abest.  
Sospes ut evites pelagi fluctusq; minasq;,  
Num minus affligit te truculenta Phalanx?  
Illa Phalanx (sileo Sathanam, sileoq; Tyrannos,  
Sanguine progenitos commaculare manûs)  
Nequiter invadens Corpus, Natura repugnax,  
Lubricitas fidei pernicioosa tua.  
Anceps Spes, mentis Versura, suimet inanis  
Ardor, Amicitia nobilis acre gelu.  
Pigrities propria, latitans in corde, salutis,  
Cultio vanorum prodigiosa Deum.  
Quis non ingeminet gemitus? quis vocibus astra  
Non feriat? quis non proluat imbre genas?

Mecum






Mecum magne, precor, mecum STROMERE gemisce,  
Iam tua res agitur, res tua meq̄ movet.  
Me'ne movet solum? non cuncti nempe moventur,  
Queis non est circa pectoris ima chalybs.  
Quam tua vita fuit multis obnoxia curis,  
Ut video, cur etiam neq̄ finis adest.  
Natus ab It, proh! Natus ab It, radiosa Themistis  
Lux, Aganippæ strenuus haustor aquæ.  
Sanari nequijt tabes funestior ullâ  
Arte, Machaonia nil valuere manûs.  
Nil valuere preces, nil dulcia verba Maritæ,  
Turbantis manibus nocte dieq̄, comas.  
Edita felici soboles huic si qua fuisset  
Omne, terrificum funeris ante diem:  
Desineret citius lacrimis urgere sepulcrum,  
Nunc spes subsidij vix manet ulla super.  
Haud secus arefcit viridantibus arbor in hortis,  
Quæ specimen fructus non geniale dedit.  
Heu dolor! heu! Sed tam validè cur membra fatigo  
Planctibus? incassum cur mea verba sero?  
Quem semel imposuit tristi vespillo feretro,  
Infodiens gelido corpus inane solo:  
Non (licet exoptes) superas evadit ad auras,  
Firmant umbrosos lurida claustra rogos.  
Ergo quevelarum remove patientior æstus,  
Vertitur in cinerem quod fuit ante cinis.  
Quippe viatoris nos instar in orbe vagamur,  
Sueti longinquæ tadia ferre via.  
Is contra pluvias ceu se, ventosq̄, tuetur,  
Sic nos vitemus flebile sortis onus,  
Si fieri poterit. Si non, toleremus oportet,  
Cum superis siquidem belligerare nefas.

C

Accipien-

cum





Accipienda manent sincero premia cordi,  
Quis dubitet Natum premia ferre tuum?  
Sæpe bonum raptat, longè meliora petenti  
Ut duit, eximiâ pro bonitate, DEVS.  
Mecum magne precor, mecum STROMERE quiesce.  
Rara quiescenti damna nocere solent.  
Sic animi dotes MICHAELIS faustiter æquet  
IOHANNES, cui PAX nomen amica dedit,  
Olim totq̄ suis accedere sentiat annis,  
Debita quod Fratri lustra fuere pio.  
Non aliena volo. Tu qui ratione gubernas  
Perpetuâ mundum, Fac rata vota sient.  
Debitæ sympathiæ causâ  
Scrib.

Theod. Sitzman  
Thuringus.

XII.

Sic, qui labellis purpureis nitet,  
Pleno vigoris tempore flosculus  
Decerpitur, longo labore  
Natus & altus & educatus.  
Sic plena messis luxurians agro  
Fætis aristis, falciferâ manu  
Abscinditur, totius anni  
Nata, vocata, rigata, labore.  
Eheu miselli! Mille laboribus  
Frangit iuventam cultor Apollinis,  
Nec ferians tractu dierum,  
Nec renuens oleo immoriri;

Tandem





*Tandem receptus Pieridum iugis,  
Sperans laborum debita premia,  
In flore pleno, messe in ipsa  
Decidit, occidit & recedit.  
Ah, ne verenda canitie SENEM  
Testem STROMERVM adducere possim,  
Qui fata NATI messe in ipsa  
Fata nimis properata luget.  
STROMERE, multis inclute laudibus  
Illustre sidus Iuridicæ Scholæ,  
Nil obtigit NATO malorum,  
Vivit adhuc, fruiturq; cælo.  
Premissus ipse est: non obit, aſt abit:  
Cedunt piorum funera ſœnori:  
Præcedit; haudquaquam recedit,  
Mortuus is minimè est, ſed ortus,*


*Observantia ergò deproperabat*

*Iohannes Gerhardt  
Quedlinburgensis.*

*F I N I S.*









VIII  
THRENOLOGIA  
IN LVCTV  
ET PRÆMATURVM  
TVM OBITVM CLA

Consultissimi Viri D. MICHAELIS  
I. V. D. & Iudicij provincialis  
Thuringorum, Advocati  
mi & integerrimi

*Qui die 5. Aprilis pie plangens  
sui desiderium mæstissimè  
uxori, cognatis & amicis  
reliquit.*

Scriptæ, ut essent honoris  
viventibus solamini



JENÆ  
Ex Officinâ Tobie Stenopoli  
Anno M. D. C. LXXII

